

萬曆湖州府志

湖州府誌序

上海圖書館藏

昔在周禮職方氏掌天下之圖辨其土地之界司民掌天下之版登其人民之數天子受而藏之天府以施政事焉左史紀言右史紀事總其會于太史以紀其成而當是時列國皆有外史各畫其土地記其人民書其政事行人采之輶車之使上之而職方之圖列國之所奏圖也司民之版列國之所入版也太史之紀列國之所分紀也故周禮統天下之同布之列國聖王之挈其綱也國史明一國之故形之王朝諸侯之序其職也或因大以貫其細或沿末以會其本譬之

于身百骸成體而血氣會焉精神貫
焉聖王端居九重而知萬國之情察
四方之隱疏逖不閉幽眚不違不下
堂階而運之天下以有此具也及周
衰而諸侯各擅其國版圖不入于王
號令不請于上各專土分民私制其
政王迹熄國史亡而魯周公之後猶

八序

二

存其初季札觀之曰周禮盡在魯矣
孔子于是因魯舊文而作春秋焉固
善魯也當是時諸侯之國多矣而其
能秉周禮爲春秋所因者獨魯而已
國史可易言哉今郡之有誌其國史
之遺乎而博者騁于曼辭藻者靡于
麗思辟者淆于異說或華而不典或

典而不實或疏畧謗淺至有舐牾大
槩不求施用而剽于見聞不資化理
而眩于觀覽非誌之本指也夫誌者
鑒古而推之今考實而見之治者也
紀諸已往待諸將來按之則其實可
稽施之則其効可睹小足以序職大
足以經世故君子重焉湖東南之僻

郡也郡伯栗侯實來爲守嘗登湖之
諸山而望曰美哉湖之地乎吾東望
震澤禹之所底定也南望夏駕禹之
所巡遊也北望具區禹之所藪澤也
禹受帝玄圭平成天地功在四海而
湖有其三焉居吳之陽負越之陰抱
鼓不鳴車轍罕至地足與治矣樂哉

湖之民乎地如斗大而頗稱土膏民
力田作勞樹藝無有遺隙蠶絲被天
下其人野而樸陋而儉樸則近質儉
則近約民足與善矣而侯本以精白
主以仁愛凡以保乂其地輯綏其民
使閭里無愁嘆之聲田野有樂生之
慶居三年而政成事集歌頌興矣而

侯以郡誌尚缺無以徵前而示後也
謀之吾師唐先生先生學孔子之道
講于湖濱有志廢不用不獲經世而
爲侯序其職焉乃曰土地人民政事
侯邦三寶捨是未有能爲誌者也于
是召諸弟子而分授纂之數其總條
其目類以燦然目以不紊類土地則

郡建以下其條十類人民則戶口以下其條十類政事則守令以下其條十類凡有三條凡三十要以削其繁言去其蕪議創格立體即事見義緣流遡源不唯其文而專歸其實覽之則其故在目求之則其軌可循後來者得之而因革之宜廢舉之當悉由

是而備矣誌成粟侯屬予題其首會侯轉山西憲臬將行而郡推張侯視郡事數趣之予惟周之盛時豈獨其君以周禮致治于上哉抑周召入爲卿輔出爲蕃宣召公繫諸侯之風周公繫王者之化而自其封魯世不乏賢詩之味僖曰奄有龜蒙保有鳧繹

此魯之所以奠邦土也史之稱伯禽
曰變其禮易其俗此魯之所以化邦
民也而周公之訓曰平易近民此則
魯政事之原所以獨賢于列國者也
是以史爲實錄而孔子因有取焉茲
栗侯既賢而張侯復以精白仁愛相
繼而起將庶幾周召之徒而郡因以

序

六

爲重何詎不若魯哉始先生作誌而
予病不獲與聞已而先生且卒矣此
固其絕筆也雖聖賢迥異而予傷其
與春秋之事偶同因附丘明之意掩
袂而題辭云栗侯名祁別號東巖山
東人張侯名應雷別號順齋江西人
唐先生名樞別號一菴則郡人也諸

弟子有校讐之勞者得書左方
賜進士出身前資善大夫禮部尚書兼
學士工部尚書管吏部左侍郎事兼
掌詹事府翰林院事纂修

承天大誌 國史副總裁烏程董份撰

湖州府誌凡例

一國有史郡有誌史以立義誌以述事故郡備事而存實國考事而成史近來郡縣作者類過嘉蕪議恐非誌體

一土地人民政事侯邦三寶三者所存之實不詳以紀之何以爲後人立觀省垂鑑戒

一景泰六年降各處修誌條要及天順五年修一統志事目不甚相遠知專以重

方物又永樂十六年至景泰五年差官采取并未樂十六年以前天下郡邑圖籍亦只具故實備忘

一鄉邦長老尊戚所關似難直筆若克其各盡必無信語今只於諸人之下各綴衆見之迹則人皆有據義亦何泯

一凡府總合各縣事類本是一體不當與縣駢列須以府爲綱註脚縣款

一凡事目統合外方不專屬本府者不載

如分野之類是也其物產之類雖他方
共生亦載蓋惟著本方所有非泛援也
一詩文所收欲取以存地方事實不論工
拙及作者之賢否否則雖嘉不錄
一凡叙述之款初立起引末詳贊斷是發
作家辭華非誌本意罷之

一凡叙人物不立賢才忠節等各樣名件
只於每人下直述行事之實無則不鑒
空強造以招鄉議

一官師只詳所遺宦業不敢特立名宦名
色蓋愧無品評之見亦不敢擅自別辨
鄙遺

一周禮土訓掌道地圖以詔道事誦訓掌
道方誌以詔觀事虞衡之官致情於察
俗辨土故今圖亦不廢

湖州府誌三類

土地類

郡建

疆域

山川

鄉鎮

區畝

形勝

津梁

物產

古蹟

陵廟

人民類

戶口

功貴

風俗

辟召

甲科

貢蔭

逸遺

列女

流寓

方藝

湖州府誌

目錄

一

政事類

守令

賦役

學校

修築

卹錄

刑禁

兵屯

廨署

郵遞

壇祠

湖州府誌目錄

卷之一

郡建

坊巷附疆域

卷之二

山川

卷之三

鄉鎮

區畝

形勝

津梁

物產

卷之四

湖州府誌

目錄

二

古蹟

陵廟

卷之五

戶口

功貴

風俗

卷之六

碑石

甲科

卷之七

貢蔭

卷之八

逸遺

列女

流寓

方藝

卷之九

郡守

卷之十

縣令

卷之十一

賦役

卷之十二

學校

杜學書院附

湖州府誌

八目錄

三

卷之十三

修築

卹錄

刑禁

兵屯

卷之十四

廨署

郵遞

壇祠

湖州府誌目錄終

湖 州 府 州 縣 境 圖

味江縣界

東至吳江縣界

東南至

至北東

界縣鄉桐

湖大至北

界縣和仁至南

界縣興宜


至北西

界州德廣至西


界縣國至



湖 州 府 郡 城 圖



烏程縣之境圖



界縣程烏

東南至

至南西

安吉界